

529 - وَعَنْ أَبِي أُمَّامَةَ إِبْيَاسِ بْنِ ثَعْبَةَ الْأَنْصَارِيِّ الْحَارِثِيِّ رَضِيَ اللَّهُ عَنْهُ قَالَ: دَكَرَ أَصْحَابُ رَسُولِ اللَّهِ صَلَّى اللَّهُ عَلَيْهِ وَسَلَّمَ يَوْمًا عِنْدَهُ الدُّثْيَا، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «أَلَا تَسْمَعُونَ؟ أَلَا تَسْمَعُونَ؟ إِنَّ الْبَذَادَةَ مِنَ الْإِيمَانِ، إِنَّ الْبَذَادَةَ مِنَ الْإِيمَانِ» يَعْنِي: التَّقْحُلَ. رَوَاهُ أَبُو ذَؤْدَ [4161].

«الْبَذَادَةُ»: بِالْبَاعِ الْمُوَحَّدِ وَالذَّالِّينَ الْمُعْجَمَتِينَ، وَهِيَ: رَثَاثَةُ الْهَيْثَةِ، وَتَرْكُ فَاطِرِ الْبَيْسِ، وَأَمَّا «التَّقْحُلُ» فِي الْقَافِ وَالْحَاءِ، قَالَ أَهْلُ الْلُّغَةِ: الْمُتَفَحِّلُ: هُوَ الرَّجُلُ الْيَابِسُ الْجَلِيدُ مِنْ حُشُونَةِ الْعَيْشِ، وَتَرْكِ التَّرْفِهِ.

529. Абу Умома Иёс ибн Саълаба Ансорий ал-Хорисий розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг саҳобалари у зотнинг ҳузурларида мол-дунё ҳақида гапиришган эди, у зот зоҳидликни назарда тутиб, **«Эшитяпсизларми? Эшитяпсизларми? Базозат иймондандир, базозат иймондандир»**, дедилар».

Абу Довуд ривояти.

**Шарх:** Зоҳидлик дея таржима қилинган сўз матнда «тақоҳхул» деб келган бўлиб, яшаш тарзи мashaққатли бўлганидан терилари қуриб қолганлик, зоҳидликда хаддан ошиш, еб-ичишда ўзини ортиқча чеклаб ташлаш.

Базозат - эскирган, тўзиган, уринган нарсалардан фойдаланиш, оддий, содда, мўътадил бўлиш, ортиқча неъматлардан тийилиш, ҳаддан ошмаслиkdir.

Мажлис бефойда гапларга шўнғиганида, уни фойдали суҳбатга айлантиришга тарғиб қилинмоқда. Бу ҳадисдан асло тозаланмаслик керак эканда деган маънони тушуниб олмаслик керак. Зоро Ислом тозаликка тарғиб қилиб, «Тозалик иймоннинг ярми», деб атаган.

---

Манба: [hadis.islom.uz](http://hadis.islom.uz)

